



Daifim


An Official Organ of YMA, Khuangpuilam Branch.

YMA MOTTO



Hunawl hman that
Zofate hmasawwna ngaihtuah
Kristian nundan tha ngaihsan

Khawchin : Source - Accuweather.com



Ruah a sur rin a ni.
Temp - Max: 27°C Min: 22°C
Dar 4:55-ah ni a chhuak ang a,
Tlai Dar 5:52-ah a tla leh ang.

Vol - VI Issue No. - 30

- Thiñin Thla -

16th August, 2020 (Pathianni)

Tunkar chang vawn : I Pet 3:12

"Lalpa mit chu mi fette chungah a fu a,
An tawngtain a beng a lo dawh thîn.
Thil tha lo titute chungah erawh chuan
Lalpa hmêl chu a dur thîn, a ti a,".

TUALCHHUNG CHANCHIN

☛ Pi Lalnunziri Ngente, Pu Stanley Thanchungnunga nupui chu Ningani tlai khan BP sang luhai avangin Nazareth Hospital-ah dahluh a ni a. A dinhmunin ziaawm lam pan zelin a rawn chhuah leh vat theih beisei a ni. Pathian tihdamna leh awmpuina chang zel turin duhsakna kan hlan a ni.

Government of Mizoram
Land Revenue & Settlement
Kolasib District, Kolasib

Hriattima

Pi Zoremawii D/o Lalnun-mawii (L) of Khuangpuilam, Kolasib hian LSC No.103 of 2005, Vengthar a mi hi a tibova insawiin Office-ah re-issue a rawn dil a, a dil anga tihsak a rem lohna tur chhan eng pawh hria chuan Chanchinbua chhuah a tanga ni 30 hma ngeiin a hnuaia address ziaakah hian hriattir tur a ni. Hetianga LSC pek chhuah leh a lo nih chuan LSC hmasa chu cancel nghal a ni ang.

Settlement Officer
Land Revenue & Settlement
Kolasib District, Kolasib.

SEC thuchhuah

State Election Commission, Mizoram chuan Mizoram-ah Covid-19 vei an lo pun zel avangin, mipuite himna atan leh Covid-19 darh loh nana fimkhur thuah Local Council leh Village Council Election Campaign chungchangah khuahkhirhna (restriction) hetiang hian a siam.

"Election Campaign-ah candidate leh a zuitu midang pahnih aia tamlo te tan 'House to House' Campaign phal a ni. Mimal compound leh inchhunga luh phalna erawh chu in neitute thu a ni.

BEC rorel thutkhawm vawi 4-na neih a ni

Khuangpuilam the 9th August, 2020 : Thiñin thla ni 13, 2020 (Ningani) zan khan BNRGSK Hall-ah kum 2020 BEC rorel thutkhawm vawi 4-na neih a ni a. Member 19 kalin, President Pu HD Daniela'n rorel thutkhawm a kaihrui a; Pu Samuel Vanlalremruata'n tawngtaina a neih hnuin rorel tan a ni.

Reports :

- Secretary Report (Committee inkar a hmalakna tlangpui hetiang hi a ni)
 - March ni 18 khan BEC leh VC ten joint meeting neih a ni a, Covid-19 hrileng mek a kaldan tur bakah khawhar in lenpui dan tur pawh rel a ni.
 - Khuangpuilam Reserved volunteers hmingin Phaisen Ramri ah duty in kal a ni.
 - YMA bungraw dahna In chungchangah Bialtu MLA, minister ni bawk chu hmuh a ni. Sport Department Deputy Director lo zin remchan lai tak anih vangin hmuh nghal a ni bawk.
 - Agriculture Department kaltlangin Focus hnuaiah Thingphun hnatanling inhlawhna neih a ni.
 - YMA day denchhenin hruaitu hluite nen thlalak hona neih a ni.
 - YMA day denchhen vek hian Section tinah hlo kahna Glycel sem a hlo kah a ni.
 - YMA bungraw dahna IN atan electric connection tihfel a ni.
 - Pi Zohmingthangi hriatreng nana sum dawn hmangin Gas burner lei tum a ni.
 - YMA hmingin Gas connection dil a ni (Gas bur tê chi book a ni)

- Finance Report : General Fund : ₹ 51,553/-
Chhiatni fund : ₹ 66,674/-
Tlangau hlauh : ₹ 13,010/-
Chhiatni fund hi chungkaw 245 atangin ₹ 73,500/- hmuh a ni a;
Tlangau hlauh hi chungkaw 298 atangin ₹ 14,900/- hmuh a ni.

Thurel 1-na : Thlân siam chungchang

Khuangpuilam Br YMA in thlân kan siam thîn chu Covid-19 hrileng boruak avangin chawlh lailawk a ni. Thlân siam hi neih chhunzawm leh tawh tur a ni a, thlanmual Sub-committee kaihruiaina in BEC leh Thlanmual Sub-committee ten hnatanling thlân hi siam tur a ni ang.

Tin, Tv. Jonathana (C/o TNT) thlân chu YMA hming a lung phun nghal tur a ni.

Thurel 2-na : Sum khawn chungchang

Chhiatni find khawn chungchang sawiho niin, Covid-19 boruak avanga la pe remchanglo te awm theih anih avangin khawn chhunzawm leh tur a ni a. A khawntu ten mahni bial theuhah August thla chungin khawn chhunzawm leh tur a ni.

Thurel 3-na : Heroin man chungchang

Khuangpuilam huamchhunga heroin zuar mante chungchang hetiang hian rel a ni.

- Pi Zosangzuali te chungkua leh Pu Zoramawia te chungkua YMA-in a ensanna chu hlih a ni a; membership fee leh chhiatni fund pawh an pek phalsak an ni.
- Pi Lalthanthuami w/o Pu R. Lalhmangaiha,

YMA chu tanpui ngaite tanpuitu a ni. – YMA Kumpuan : Zirna uar

Editorial Board :

Represent: Pu Rotlingpuia
 Editor: Pu Ricky MS Dawngzela
 Jt. Editor : Pu Lalsiamkima
 Treasurer: Nl. Florence Zoremsangi
 Cir.Manager: Tv. Samuel Lalpekhlua
 Contact No: 9862501858 / 9612691291
 9612761781 / 7005494983

FLS Station - 9612566886

Chawngbawla Section

Leader : Pu F. Lalbiaksanga
 96121 55162
 Secretary : Tv. R. Lalnuntluanga
 82599 60032

Vanapa Section

Leader : Pu Lalchualova
 87300 99599
 Secretary : Tv. Lallawmzuala
 87875 41803

Khuangchera Section

Leader : Pu Lalramzaua
 76408 95924
 Secretary : Pu Zachungnunga Hrahse
 76299 69989

Editorial.....

Sawrkar lai ngei hi an tha! Nia, sawrkarna chang tawhtute kalphung aṭanga thlir chuan sawrkarna chelhtu ngei VC neih chuan thiltihte pawh a awlsamin duhsak pawh an hlawh deuh a, party dang VC-te chu hlamchhiaah an ni deuh thin ni awm a ni.

Mi tha, mi pamham lo hi an tha! Ni e, mi rilru tluang, mi tha, pamham silo hruaitu neih tluka duhawm a awm lo ang. Chutih rualin, thatna leh pamham lohna ringawt hian hmasawwnna erawh a thlen lem lo.

Kan lo kal tawh dana VC thlana tha deuh ni a lang chu, a tlangpuin party en lovin, kan veng tana tha ber tura kan ngaihte kan thlang tlangpui niin a lang a. A then, kan party a nih hrim hrim chuan bawngpui pawh ni se ka vote ang ti tawh hi chu an awm lo thei lo. Chutih laiin hetiang rilru pu lo tura kan thanharh hun erawh a nghahhle awm hle.

Kan hma lawkah VC kan thlang dawh. Bengsika ngaihtuah chung a kan veng tana tha tur kan ngaihtuah a ngai tak meuh. He'ngte hi i ngaihtuah teh ang

- Party atchilhna aṭanga tal chhuah.
- Angaihma hre tur awm mi zatun thiam.
- Vote zatung reng reng mi aiin thil tha leh dik avanga voter-te lung tiawi lo ngam rap khatop mi kan mamawh.
- Tatungkam thiam aiin mi taima kan mamawh. Mi hneh thei deuh aiin mi pui peih deuh an tangkai zatok bawh.
- Mi thiam, thlir zau leh thui, kum 5 chhung lek nilo, tu leh fate tana hmathlir nei tha tur mi kan mamawh.
- Lam tang tur zatung reng reng mi hi an hnaawksak thin.

Branch YMA Office Bearer

President Pu HD Daniala 9863212083	Secretary Pu Lalremsiama Varte 9862327112	Treasurer Pu David lalrosanga 9436158962
Vice President Pu S. Lalthangliana 8787326114	Assistant Secretary Nl. Florence Zoremsangi 9612761781	Financial Secretary Pu Rotlingpuia 9862385193

No. CYMA 74/2019-2020/16 of 11.8.2020
 Central Young Mizo Association
 Mizoram : Aizawl

CENTRAL YMA THU CHHUAK

Covid - 19 hripui leng mek avanga kan ramin harsatna kan tawh chuan ziaawm lam a pan thei meuh lo niin a lang. Mipui a hri inkai darh thei mai dinhmunah kan ding mek a ni. Hetiang hi kan dinhmun a nih tak avang hian Sub - Hqrs / Group / Branch YMA te kan him tlan theih nan kan huam chhungah chak zawka hripui dona kawngah hma la thar theuh turin kan in ngen e.

VC / LC inthlan lo awm turah inthlanna thianghlim leh felfai tak a awm theih nan tan i la tlang theuh ang u.

YMA vul zel rawh se.

Prof. Lalnuntluanga
 General Secretary,
 Central YMA.

Chhiatni fund

Kumin chu hripui leng avangin chhiatni fund pawh duh angin khawn hleihtheih a ni lo a. Chutih rualin hlamchhiaah ngawt chi a nih loh avangin Branch YMA hruaitute'n an rawn khawn leh dawn a. Chuvangin, hrileng kara khawn nawn sek a ngaih loh nan lo inring turin kan inngen a ni.

HMAWNGKHAWTHLIR LEH RTP FARM, SETHAWN INKAR CONTAINMENT ZONE A PUAN CHU HLIH A NI

Kolasib DC Office Order No.J.32019/4/2019-DC(K) dated 06.08.2020 a Hmawngkhawthlir atanga RTP Farm, Sethawn inkar Containment Zone-a puan a nihna chu vawiin Dt.10.08.2020 (Thawhtanni) Dar 06:00 PM hian phelh/hlih a ni.

Kolasib DC Office Order No.J.15018/1/2020-DC(K) dated 04.08.2020 a tihchhuah, a hnuaia tarlan ang hian Road Block kalpui chhonzawm leh tur a ni..

Sl. No.	Vehicle	Kawng	Khar hun
1	All	Buichali to Khamrang	06:30 AM – 06:30 PM
2	All	Khamrang to Buichali	05:30 AM – 05:30 PM
3	All	Bualpui to Thingdawl	06:30 AM – 06:30 PM
4	All	Thingdawl to Bualpui	06:30 AM – 06 30 PM
Hawn hun			
5	Small Vehicle	Bualpui to Thingdawl & Thingdawl to Bualpui	12:00 Noon – 01:00 PM

☞ Loh theihloh avanga kaltlang ngai an awm anih chuan Superintendent of Police, Kolasib District hnenah thlen tur a ni.

☞ Heng hmunah hian SOP on Social Distancing vawn tlat tur a ni a. Loh theihloh avanga kal ten Face Mask an vuah ngei ngei tur a ni.

Tihsual hi siamthat leh theih loh a ni lo; mahse, thil awl ai a ni tawh lo a, beih fet ngai a ni.

(Thu ziak Huang)

VC turte hriat atan

- Jerry

Kan hriat angin kan khawtlang min enkawltu/ khawtlang hruaitu kan thlang leh dawn ta reng mai a, khawtlangin hma kan sawn a, khawtlang inrelbawlina ðha kan neih theihna tur atan a kan ngaih pawimawh ðhenkhatte kan sawi ve ngawt teh ang.

1. Kan khawtlangin VC ðha kan neih theihna tur atan leh mipuiin hma kan sawn theihna tur atan pawimawh nia ka hriat chu Khawtlang Roreltu (VC) kan thlanchhuahte hian an enkawl mipui nena thawhhona ðha an neih a ðul a, khawtlang hmasawnna hi mipuite ta, mipuite tana an thlen tir tur a ni a. Mimal hmasawnna leh mi tlemte te hmasawnna hi a ðha lova, hei hi development project leh programme-in a tum a ni hek lo. Chuvangin, mi zawng zawngin hma kan sawn theih nan VC ten ðan la se, mipuite rorelna (Gram Sabha) mumal leh awmze nei kalpui se, mipui lam pawhin ngai pawimawh tlang thei ila chu chuan Mipuite leh khawtlang roreltuteah inpawhna ðha a siam thei dawn a ni.

2. Inrelbawlina ðha nei tur chuan khawtlang roreltute inlungualna leh thawhhona tha an neih a ðul. Roreltute inlungualna leh thawhhona ðha a awm loh chuan khawtlangin hma a sawn thei ðhin lo a ni. Chuvangin khawtlang roreltu ten ðha taka an thawh ho theihna hi khawtlang hmasawnna leh inrelbawlina ðha nei tur chuan a pawimawh hle a ni. Inrelbawlina ðha nei tur chuan roreltu ten PARTY aiin khawtlang an dah pawimawh hmasa zawk ðhin tur a ni a, mahni hmasialna hian thawhhona a tichhe thei fo ðhin a ni tih hi khawtlang roreltu ten an hriat a an vawn reng a pawimawh hle a ni.

3. Khawtlang inrelbawlina ðha nei tur chuan dan leh inkaihhraina ngaihpawimawha dik taka ken kawh hi a pawimawh hle a ni. Dan hian mipuite a te ber aþanga a lian ber thlengin duhsak bik a nei lo a ni tih hi roreltu ten an hriat a pawimawh hle a, dan ang taka thil tih chuan inrelbawlina ðha a siam a, inpumkhatna a siam bawk a ni. Khawtlang dan leh inkaihhraina kan neihte hi roreltu ten an ngaihpawimawh hi a pawimawh hle bawk a ni.

4. Khawtlang inrelbawlina ðha nei tur chuan thil engkim hi thup leh zep ruk awm lovin VC member zawng zawngin in langtlang takin hre vek thei se. Mipui hriat tur chi pawh langtlang taka Mipui kalkhawmna (Gram sabha) ah fel fai taka pharh tura record vek nise. Thil engemaw zep ðhen ngai awm hian VC chhungkuaah inrelbawlina ðha a thlen lova, mipuiteah mipuiteah zawhna tam tak a siam ðhin. Khawtlang mipuitea khawtlang VC te hnathawh dan leh hmalak dan hrang hrang zep ðhen awm lova langtlang taka puan ðhinna hian mipuite leh khawtlang roreltute thawhhona ðha a siam ðhin.

5. Khawtlangah inrelbawlina ðha nei tur chuan khawchhung NGO (YMA, MHIP, MUP, GSA etc)pawl hrang hrangte nena thawhhona ðha siam hi a pawimawh hle.

Heng zawng zawng aia pawimawh zawk chu Pathian ðih tlat chungka khawtlang enkawl a, VC member te mahni Kohhran ðheuh mahni phak tawh a belh tlat hi a ni tih hi a bul leh a tawp a ni.

Chhiatni/ðhatni chungchanga Sawrkar thupek

Covid-19 hripui leng mekah Mizoramah pawh kai thar an pung zel a. Hri dona kawnga thawktu ðhenkhatte pawhin vanduaithlak takin an kai a. Hetiang a nih avang hian mipui punkhawmna chhiatni/ðhatni - mitthi vuina, lungphunna, inneihna, adt. hi hri inkaidarhna hmunah a chang ang tih a hlauhthawn awm hle.

Sawrkar-in Order No.B .13021/101/2020-DMR/Pt-III dated 31.07.2020 a tihchhuahah heng hmunahte hian mi 50 aia tam punkhawm a khap a; amaherawhchu, hei hian zawm a hlawh lo hle niin a lang.

Chuvangin, Covid-19 hripui leng mek laka mipuite kan him zel theih nan Chief Minister, Mizoram/ Chairman, State Disaster Management Authority ni bawh kaihhraina hnuaia ni 12 August, 2020 (Nilaini) a meeting chuan heng hmunahte hian khauh taka inkhuahkhirhna kenkawh ðha a ti a. Heng hmunte hi inchhuizui theih loh hri inkaidarhna hmun a nih mai loh nan inkaihhraina siam belh ðha tih a ni.

Meeting thurel bawhzuiin ni 13 August, 2020 (Ningani) khan Chief Secretary/Chairman, State Executive Committee, State Disaster Management Authority, Mizoram chuan chhiatni/ðhatni puipunna hmunahte hian thu leh awm hma chuan a hnuaia thupekte zawm turin mipuite a hriattir a ni.

1. Chhiatni/ðhatniah Order No.B .13021/101/2020-DMR/Pt-III dated 31.07.2020-in a tarlan angin mi 50 aia tam punkhawm khap tlat a ni. Chhungkhat laina pawh a tlem thei ang ber kal ðhin ni se, association/pawl anga mitthi vuinaah mi 2 (pahnih) aia tam kal loh tur a ni.
2. Mitthi vuinaah social distancing a awm theih nan Kohhran hall emaw YMA hall emaw veng chhunga hall zau tawh tak, hmun remchangah vuina hun hman tur a ni. Hemi atan hian mitthi lawina Kohhran leh a veng neitu YMA ten ruahmanna an siam ðhin ang.
3. Hall luhka zawng zawngah a lutte hming pum, address leh telephone number chhinchhiah tur a ni a, LLTF IVLTF ten ruahmanna an siam ang. Mi 50 aia tam chu luh tir loh tur a ni.
4. Chhiatnt/ðhatni puipunna hmunah reng reng zai/zaikhawm loh tur a ni.
5. Mitthi vuitu tur chu a theih hram chuan kum lama la upa lo leh mi hrisel pangngai a ni tur a ni.
6. Mitthi vuinaah hian kum lama upate leh hrisel lohna benvawn neite kal loh tur a ni.
7. Chhiatni/ðhatniah mipui kalkawmten hmaikawr (mask) an vuah vek tur a ni.
8. Mitthi vuina, lungphun, inneihna, anniversary, pawl thila kalkhawmna, adt.-ah attendance register YMA/LLTF/VLTF in an vawng ðheuh tur a ni.

Thil engkim hi ruihchilh a nih tawh chuan fimkhur ngai leh siamðhat ngai a ni tawh ðhin.

Tunkâr chhunga Mizorama thil thleng langsar zual

09.08.2020 : Health & Family Welfare Minister hovin tun hnaia COVID-19 vei an pun tak thut avangin Emergency Meeting, SAD Conference Hall-ah neih a ni.

Meeting-ah hian Mizoram University hnuaia Under Graduate leh Post Graduate exam tur te chu exam nei hrih lo (postpone) turin thurawn (advisory) pek ni se tih a ni a. Nitin mamawh phurtu truck drivers bakah ram pawn aṅanga thlawhna a lo lutte hi awmze neia khuahkhirh ni se tih a ni. Zoram Medical College, Falkawn hi COVID-19 veite enkawl na tur bika ruahman a nihna angin, COVID-19 vei nilo chu damlo dang tumah admit tawh loh tura rel a ni.

Mitthi vuina programme-a mipui kalkhawm zingah contact tracing tih ngai awm ta se, harsatna a awm theih dawn avangin, chhiatni thatni inkaihhraina chungchangah YMA hruaitute leh Kohhran hruaitute nen inrawn tlan that leh ni se tih a ni.

Meeting-ah hian sawrkar mi leh sa pawimawh te an tel a ni.

10.08.2020 : Hnahthial Lungleng vengin Village Council pahnih-a then darh duh lova Hnahthial South-III Village Council-a awm vek law law ngiata chaw ngheia nawrtu thalai 43 rual zingah mi 6, mipa 2 leh hmeichhia 4 te chu an nawmsam loh avangin ni 9 (Pathianni) chawhma khan damdawi inah hruai an ni a, hmeichhe 4 hi admit niin mipa 2 te hi admit lovin an chaw ngheina hmunah an awm chhonzawm leh nghal a ni.

10.08.2020 : Chawhma dar 11 khan AVBD, MSACS leh NHM bultumin Pachhunga University College (PUC) Seminar Hall-ah kum 2019 April - March 2020 inkara Civil Hospital, Synod Hospital leh ZMC (Falkawn) Hospital-a thisen pe tam chawimawina leh lawmman semna hun hman a ni a, thisen pe tam category hrang hrang lawmman sem a ni.

11.08.2020 : Bilkhawthlir Tuitha Venga awm Pi Lalrintluangi (63) chu Khuavang rul ni ngeia rinin ni 10 zan dar 9 vel khan a ke zungpuiah a chuk a, Kolasib District Hospital-ah a boral. Pi Rintluangi hi an kawmthlang lama a fanu te inah leng turin a kal a, kal kawnga a kal laiin Rul hian a chuk niin an sawi.

A chuktu rul hi kutzungpui tiah vela lian leh feet 3 leh a chanve vela sei a ni. Pi Rintluangi hi hmeithai niin a tute pahnih mipa leh hmeichhia kum 14 leh kum 10 mi a awmpui a ni.

12.08. 2020 : Nl. Lilyparmawii (Nubawihi, kum 21) d/o Hrangthuana, Muallianpui South, ni 11 August, 2020 (Thawhlehi) zing aṅanga chin hriatloh a bo chu ni 12 August, 2020 (Nilaini) chhun dar 12:00 vel khan a ruang hmuh a ni a; hmuh a nih hian a taksa pawh a khawng vek tawh a ni.

12.08.2020 : Central YMA chuan 2020 HSLC & HSSLC top ten-a Mizo langte chawimawina an hmang a. Chawimawina thuziak leh sumfai hlan an ni.

He hun hi Mizoram chief secretary Lalnunmawia Chuaungo chuan a telpui a. Central YMA president Vanlalruata chuan zirlai chawimawi takte lakah Central YMA chuan beiseina sang tak a nei, tia sawiin, All India Service leh central service-ah pawh tih tak takna nena bei turin a chah. ✍

(Phek 1-na chhonzawmna)

Vanapa section a mi chu ni 11 Aug, 2020 khan a Heroin police-te'n an mansak chungchangah Khuangpuilam Br. YMA chuan Pi Lalthanṭhuami te chhungkua chu khawtlang duhloh thil an zawrh avang leh Khuangpuilam hming an tihchhiat avangin YMA membership fee leh chhiatni fund an lo pek tawh chu pek kir nise a ti a. Branch Executive Committee in rem a tih hma chu 'ensan' an ni ang.

Thurel 4-na : YMA bungraw dahna In chungchang

District Sport and Youth Officer, Pu Lalrinliana Royte leh Land Revenue & Settlement Officer Pu TT Beikhaizi a te hnen aṅanga Branch YMA-in lehkhia a dawn chungchang sawiho a ni a, a ṭul angin hruaituten hma lo la zel se tih a ni.

Thurel 5-na : Lawmthu sawina

Pu R. Lalṭanpuia, Secretary, Keifang Branch YMA hnen aṅangin ni 31 July, 2020-a boral ta Pi Rinsailovi ruang Khuangpuilam YMA ten kan lo buaipuinaa lawmthu an rawn sawina ngaihthlak a ni.

Thurel 6-na : Faina Chungchang

Faina chungchang sawiho a ni a. Chhūngtin ten faina kan ngaih pawimawh thar nan ṭan lak nise tih a ni a. Mahni ran vulh leh an zun leh ek te pawh enkawl uluk ṭhin turin FLS leh vengchhung chanchinbuah a khat tawka infuihthar ni se tih a ni.

Pem lehkhia dawn :

Heng ahnuai ami te hnen aṅang hian lawm taka pem lehkhia dawn a ni a. Khua leh tui ṭha tak an nih theih nan Khuangpuilam Branch YMA chuan duhsakna kan hlan nghal bawk a ni.

1. Pu Lalmuankima te chhungkua
2. Pu Lalthansanga te chhungkua
3. Pu Lalluahthanga zote te chhungkua
4. Pu Lahmangaiha te chhungkua
5. Pu Zorammawia te chhungkua
6. Pi Lalnunziri te chhungkua

14.08.2020 : Zing Dar 7:45 vel khan Champhai aṅanga 33 Km SSW, Vaphai, Farkawn leh Samthang inkar, Lamsial Puk bul Samthang ramchhungah lir a nghing leh a, anat zawng hi 4.0 Magnitude a ni. Helai bawr hi lirnghingin a sawi ngun ta malh malh hle mai a, tun ṭuma nghing nen hian vawi 107 vel a nghing tawh a ni.

14.08.2020 : Chawhma dar 10 vel khan Tuidam aṅanga Km 1 vel, Tuidam aṅanga Kawrtethawveng kawng lai hthar minah mihring ruhro tam tak hmuh a ni.

Thudawn danin heng ruhro zingah hian luruh 13 vel zet a awm a, naupang luruh tiat vel pakhat a awm a, a bak zawng te chu puitling luruh vek niin a lang. Luruh 13 vel zet a awm laiin khabe ruh 4 vel chauh a awm thung. Ngal ruh leh malpui ruhte hi a tam tham deuh avangin chiang taka chhiar a ni rih lo.